



Preguntanan mas frekvente ku a bini di nos komunidad.

Funshon i prosesonan vital durante Shelter in Place i Toke de Keda | KEDA KAS

Punto di salida ta: KEDA KAS. Nos no ta den un situashon normal, pues keda kas.

Página 1 | 7

- 1. Kompanianan ku ta bende (piesa) di kompiuter por keda habrí?**
Nò. Tur ta keda será, pero den kaso ku un servisio esensial manera hòspital mester di un piesa, lo krea un manera pa esaki tuma lugá.
- 2. Doño di trabou ta eksihí trahadó di pakus pa presentá na trabou. Esaki por?**
Nò. Esaki no ta esensial ni vital. Ademas, tur "hardware store" entrante djamars, 31 di mart, ta será pa públiko tambe. E por habri únikamente ora tin petishon.
- 3. Doño di trabou ta eksihí trahadó den konstrukshon bin trabou. Esaki por?**
Nò, ningun konstrukshon no ta vital aworaki. Si tin un konstrukshon ku ta mester keda konsiderá komo vital, por pidi eksonerashon i e Ministerio konserní ta evaluá esaki.
- 4. Servisio di kùr outo ta sigui?**
No, esaki no ta vital. Asina ta posibel lo invitá esnan ku tabatin un sita durante e periodo aki pa nan kùr outo. Esaki ta un periodo transitorio. Outonan ku tin hopi mas tempu sin kùr, si ta keda kontrolá.
- 5. Lugá pa drecha tayer, piesa di outo òf mekániko por duna servisio?**
Esaki por, solamente pa servisionan vital. Servisio pa drecha tayer i kran por sigui tuma lugá pa públiko, pero ta bai strukturá esaki.
- 6. Personanan ku ta traha den servisio di "offshore banking", mester traha na ofisina?**
No. E personanan aki mester traha for di kas. Kompanianan asinaki mester anticipá riba e situashon.



Preguntanan mas frekvente ku a bini di nos komunidad.

Funshon i prosesonan vital durante Shelter in Place i Toke de Keda | KEDA KAS

Punto di salida ta: KEDA KAS. Nos no ta den un situashon normal, pues keda kas.

Página 2 | 7

7. **Mi mester kuida algun hende grandi, kon mi por regla esaki?**
Esaki ta kai bou di “Mantelzorg” | Regla ta ku solamente un (1) persona ta sali kas pa duna e kuido aki. Via www.soaw.mobi personanan por registrá pa esaki.
8. **Kompanianan di distribushon por sigui funshoná, i kon?**
Si, pero únikamente pa sirbi e instansha i kompanianan ku ta vital.
Por ehèmpel: Supermerkado, minimarket, toko, botika. Nos ta den un situashon diferente ku COVID-19, pues e kompanianan aki tambe mester adaptá nan servisionan.
9. **Instituto finansiero manera por ehèmpel Money Gram i Western Union por keda habrí?**
Instituto finansiero ta esensial, pero tur mester hasi adaptashon den nan servisio. Punto di salida: solamente pa persona por tuma/haña sèn.
10. **Podoterapista ta un funshon vital den sektor di kuido?**
Podoterapista ta importante pero e no ta vital aworaki. Únikamente kasonan di urgensia médiko i/òf kuido ta esensial.
11. **Hende por haña eksepshon pa tira shushi na Malpais?**
Nò, unikamente Selikor lo duna e servisionan aki. Tambe pa deshasí di animal morto.
12. **Servisio di entrega di pakete i pòst por keda operá nòrmal?**
Si. Esakinan ta esensial, pero mester minimalisá e servisio i únikamente hasi entrega (delivery).
13. **Kunukeronan mester di pèrmit pa traha riba plantashon? Krio di bestia?**
Tantu kunukeronan komo krio di bestia ta vital, pues esaki por sigui i por pidi eksonerashon pa esaki.



Preguntanan mas frekvente ku a bini di nos komunidad.

Funshon i prosesonan vital durante Shelter in Place i Toke de Keda | KEDA KAS

Punto di salida ta: KEDA KAS. Nos no ta den un situashon normal, pues keda kas.

Página 3 | 7

14. Kompania ku ta chupa berpùt tambe tin eksonerashon?

Si, esaki ta esensial pa nos salubridat general.

15. Kompanianan di servisio di mantenshon, ku ta duna servisio na sektornan vital i esensial, por sigui duna servisio?

Si, pero únikamente ora hasi yamada riba nan. ("oproep basis").

16. Trabounan di reparashon di emergensia por tuma lugá pa evitá p.e. vandalismo?

Si, pero únikamente riba yamada i pa prosesonan vital.

17. Kompania di transporte pa sektor vital i esensial, por sigui hasi transporte?

Si, esaki por tuma lugá.

18. Ken i ki ora por sali pa buska kuminda òf hasi kompra?

Ningun restorant no ta habrí, ke men no por buska kuminda. Si ke bai supermerkadu, un (1) hende so pa kas por sali riba kaya pa hasi e kompra. Tur supermerkadu, minimarket, toko, panaderia, botika mester sera pa 7'or di anochi.

19. Kon ta hasi buska/tuma remedi na botika?

Esaki por tuma lugá, normalmente pero teniendo kuenta ku distansha sosial di 2 meter.

20. Servisio médiko i di higiena personal por sigui? P.e. dermatólogo, dentista, fisioterapista?

No, esaki no ta vital. Únikamente ora tin aspekto di urgensia.



Preguntanan mas frekvente ku a bini di nos komunidad.

Funshon i prosesonan vital durante Shelter in Place i Toke de Keda | KEDA KAS

Punto di salida ta: KEDA KAS. Nos no ta den un situashon normal, pues keda kas.

Página 4 | 7

21. Kompania nan ku ta hasi entrega na kas pa supermerkado, por sigui hasi esaki?
Por hasi entrega únika mente di kombestibel. Entrega di kuminda no por tuma lugá. Persona ku ta entregá kuminda na lugá nan vital, personanan di edat òf malu si por sigui pasó esaki ta esensial.
22. Trahadónan di internat i kasnan di kuido pa grandi ta haña eksonerashon?
Si, e trahadónan aki tin eksonerashon pasó kuido ta vital. Kada organisashon ta hasi petishon pa tur trahadó.
23. Kompania i personal di limpiesa ta haña eksonerashon pa yega trabou?
Únikamente esnan ku ta duna servisio na organisashon vital. Tur organisashon mester pidi pèrmit.
24. Personal ku mester hasi inventarisashon di produkto pa empresanan den HORECA, esaki ta vital?
Esaki no ta vital aworaki.
25. Wasserette por haña eksonerashon?
Solamente pa duna servisio na instanshanan vital manera hòspital. No pa públiko.
26. Organisashonnan religioso por ofresé kuminda na hendenan desampará? I kon por haña eksonerashon?
Esaki por solamente bou di regulashon di Ministerio di Asuntunan sosial (SOAW).



Preguntanan mas frekvente ku a bini di nos komunidad.

Funshon i prosesonan vital durante Shelter in Place i Toke de Keda | KEDA KAS

Punto di salida ta: KEDA KAS. Nos no ta den un situashon normal, pues keda kas.

Página 5 | 7

27. Muebleria por hasi entrega di pedido pendiente?

Nò.

28. Kompania ku ta bende ekiponan spesial, manera aparato òf bateria pa ekiponan médiko por sigui traha?

Solamente na momentu ku un instansha vital mester di bo servisio lo tuma kontakto i lo regla bo pèrmit pa subi kaya.

29. Dòkter di wowo (oogarts) i òptika pa tuma brel ta eksonerá?

Nan no ta habrí pa públiko. Únikamente ora tin kaso di emergensia i vital.

30. Kompania di mantenshon i limpiesa di pisina ta eksonerá?

Nò. Tur persona mes mester hasi mantenshon di nan propio pisina. Si e pisina ta okashoná problema ku higiena, por tuma kontakto ku G&GZ.

31. Fruteria por habri meskos ku supermerkadonan?

Si. Un fruteria ta kai bou di e kategoria di toko. Tur regla di supermerkadu, minimarket i toko ta konta pa e fruteria tambe.

32. Doño di trabou a manda yama reunion urgente pa tur trahadó, esaki por?

Nò. Únikamente reunion digital ('online') ta posibel.

33. Kompania di limpiesa i mantenshon di bestia di kas, por duna servisio na kas?

Nò. Esaki no por ni na kas, ni otro lugá. Solamente dòkter di bestia por duna servisio den kaso di emergensia. Prosesonan esensial pa krio di bestia ('veeteelt') si ta esensial i por pidi e pèrmit nesenario.



Preguntanan mas frekvente ku a bini di nos komunidad.

Funshon i prosesonan vital durante Shelter in Place i Toke de Keda | KEDA KAS

Punto di salida ta: KEDA KAS. Nos no ta den un situashon normal, pues keda kas.

Página 6 | 7

34. Likoreria por hasi entregá di pedidonan di bibida na kas?
Nò. E kompanianan ku tin palabrashon ku supermerkado so por hasi esaki riba petishon.
35. Piskadó por sali bai laman mainta i regresá bèk durante dia?
Si, pero únikamente esun ku ta registrá ofisial por hasi esaki. Wardakosta ta kontrolá a base di e lista aki i no ta pèrmití sali for di awanan teritorial.
36. Mi tin tienda di salú i suplementu alternativo, mi por habri?
Nò. Solamente botika i supermerkado por duna e servisionan aki.
37. Muchanan ku tin ku sigui lès na kas di otro hende, pasó no tin internèt, e mucha por bai?
Nò. Tur mucha mester keda kas. Ta buska otro métodonan pa e mucha por sigui su lès. Gobièrnu ta sigui hasi su esfuersonan pa fasilítá tipo di proseso asina aki.
38. Mi ta hasi trabou atministrativo na un lugá di kuido. Mi mester bai trabou?
Si bo funshon ta esensial pa e kuido por tuma lugá, únikamente ora ta nesario, bo mester bai trabou.
39. Supermerkado por hasi entrega di komestibel na kas?
Ta pèrmití supermerkado (so) hasi entrega na kas. No ta pèrmití transakshon kèsh. Pago mester tuma lugá online òf ku mashin di swaip. Tene kuenta ku mester limpia e mashin di swaip promé i despues di uzo.
40. CPS, ku ta manehá e terminal di kònteiner, ta keda habrí?
Si. Ta keda duna servisio di kònteiner pa por garantisá suministroo di produkto.



Preguntanan mas frekvente ku a bini di nos komunidad.

Funshon i prosesonan vital durante Shelter in Place i Toke de Keda | KEDA KAS

Punto di salida ta: KEDA KAS. Nos no ta den un situashon normal, pues keda kas.

Página 7 | 7

41. Kompania di benta di produkto pa panaderia por keda habrí?

Si. E kompania por duna servisio na supermerkado i panadero pa kumpra ariña pa traha pan. Teniendo nan mes na aspekto di higiena i distansha sosial i alabes minimalisando e servisio mas ku por.

42. Akuerdo òf areglo entre mayornan pa 'voogdij'. Kon pa hasi esaki mihó?

Konsiderando ku e mucha mester move ménos posibel riba kaya, e konseho ta pa e yunan pasa un siman serka mama i un siman serka tata. E desishon final ta keda na e mayornan mes si.